



Jupmele-gaagkestimmien njoelkedasse

i. Tjåanghcoe

1 Jupmele-gaagkestimmien åvtelen

Almetjh maechtich gærhkose båtedh aerebe goh jupmele-gaagkestimmie aalka, sjeavohth tjahkasjidh, tjoevkesem båltajehdedh jih rohkeliidh.

Gærhkoen bealloeh tjuejeh

Daelie jallh gålmede lihtsen (3 Heelsege) mænnagan

Klahke-liturge jallh liturge jupmele-gaagkestimmien bijre bæjjohte.

Bæjjoehimmie naemhtie galkhoe:

KL/L ¹ | Dellie edtjebe Jupmelen uvte sjeavohth årroddh.

Sjeavohts boelhketje.

Bealloe tjuaja golmen aejkien

Jeenemasth gosse åålmege edtja tjåadtjodh, dellie naestie (*) tjaalasovveme.

* 2 Aalkoe-saalme

Laavlome jallh musihke mij sjeahta, maahta preludijumine årroddh.

Prosesjovne båata gosse preludijume jih/jallh gosse aalkoe-saalme aalka. Dÿhte gie prosesjovne-kroessem guadta, åvte-gietjesne vaadtsa, jih dellie dah bætich gïeh tjoevkem, laavkome-tjaetsiem, laejpieh jih vijnem jih aejlies gærjam guedtieh.

Åålmege tjåadtje gosse prosesjovne båata jih gosse aalkoe-saalmem lååvle jih Heelsegen mearan.

* 3 Heelsege

Gosse laavkome, dellie voestes jallh mubpie rohkelaesse veeljesåvva. Jih dellie liturge maahta jiehtedh:

Gieries åålmege:

L | Aarmoe jih raeffie Jupmielistie, mijjen Aehtjeste,
jih Åejvie Jeesus Kristusistie.

¹ KL: Klahke-liturge; L: Liturge; G: Gaajhkesh: Åå: Åålmege

jallh

L | Mijjen Åejvie Jeesus Kristusen aarmoe jïh Jupmelen gieriesvoete jïh Aejlies Voejkenen ektievoete dijine årroeh.

jallh

L | Aehtjien (✕) Baernien jïh Aejlies Voejkenen nommesne.

jallh

L | Aehtjien (✕) Baernien jïh Aejlies Voejkenen nommesne: Mijjen sjugniedæjja, lutniestæjja jïh hiegke-vedtije.

Åålmege tïhkede.

Jis liturge jallh klahke-liturge ij Leah aerebe gyrhkesjimmien bïjre bæjjoehtamme, dellie maahta daelie bæjjoehtidh.

4 Aalkoe-rohkelasse

Vuertesjh Aalkoe-rohkelassh jïh veeljh dejstie.

KL | Rohkelibie.

jallh 1

KL | Jupmele, dov aejlies gåatan libie tjaangeme dåastoehtidh dam maam datne sïjtht mijjese vedtedh.

Rïhpesth mijjen vaajmojde guktie mijjen jaahkoe dutnjien orreståvva.

jallh 2

KL | Aejlies Jupmele, dov ååredæjjan uvte libie tjåanghenamme dov gieriesvoetem jïh rïektesvoetem dåastoehtidh.

Raajh dov Voejkenem mijjese, jïh rïhpesth mijjen vaajmojde guktie dåastoehtibie dam maam datne mijjese vadtah. Baajh dov baakoem mijjen vaajmose sjïdtedh guktie Kristuse mijjesne jeala, jïh mijjeh datnine aktanibie jïh datnem gaajhkine dienesjibie.

jallh 3

KL | Buerie Jupmele, datne guhte hiegkem gaajhkide vadtme mah jielieh, datnem heevehtibie eatnemen tjaebpiesvoeten åvteste

jïh gaajhki åvteste mah vuesiehtieh datne boerehke.

Dov ååredæjjan uvte rohkelibie: Rïhpesth mijjen bieljide guktie goltelibie gosse soptsesth. Vedtieh mijjese vaajmoeh mah datnem dov buerievoeten åvteste gijhtieh. Vedtieh njoektjemh jïh gieth mah dov åavtoej bïjre vïhnesjieh.

KL | Jupmele, rohkelibie.

G | **Aamen.**

5 Sådtoe-boejhkesjimmie

Sådtoe-boejhkesjimmie daelie jallh goh lihtse 17 Åålmegen rohkelassh.

Sådtoe-boejhkesjimmie naemhtie aalka:

L | Jupmelen uvte boelvestibie jñh mijjen sådtojde boejhkesjibie.

jallh

L | Jupmelen uvte boelvestibie jñh Jupmelem birrebe edtja sådtojde mijjeste luejhtedh.

jallh

L | Mijjen sådtojde boejhkesjibie juktie leajhtadibie Jupmele åårmege lea.

jallh

L | Jupmelem birrebe edtja sådtojde mijjeste luejhtedh juktie leajhtadibie Jupmele åårmege lea.

Sjeavohts boelhketje

Liturge boelveste mearan sådtojde boejhkesje jñh sjeavohth lea. Åålmegge aaj maahta boelvestidh.

jallh a

G | **Jupmele, aarmodh mannem!**

Dov vööste leam sådtoedamme jñh mov lihkesadtjem beahteme

– dejnië maam ussjedamme jñh soptsestamme jñh dorjeme

jñh dejnië maam im Leah dorjeme.

Luejhtieh mov sådtojde manneste Jeesus Kristusen gielhtie.

Orresth mov vaajmoem jñh vedtieh faamoem orre jieliemasse dov Aejlies

Voejkeninie.

jallh b

G | **Jupmele, aarmodh mannem!**

Luejhtieh sådtojde manneste Jeesus Kristusen gielhtie.

Orresth mov vaajmoem jñh vedtieh faamoem orre jieliemasse dov Aejlies

Voejkeninie.

jallh c

**G | Jupmele, datne mijjem damth jñh eahtsah.
Datne sijhth mijjieh edtjebe sinsitniem jñh eatnemem hoksedh.
Daejrebe datnem libie beahteme jñh dov vuestie meadtme.
Luejhtieh sádtojde mijjeste jñh viehkehth mijjem Jeesusen gielhtie.**

jallh d

**G | Aejlies Jupmele, mijjen sjugniedæjja, vuartesjh mijjem aarmojne.
Mijjieh datnem jñh dov stillemidie meadtme.
Luejhtieh mijjen sádtojde mijjeste Jeesus Kristusen gielhtie.
Baajh mijjem datnem dienesjidh jñh sjugniedimmiem vaarjelidh
jñh lihkesadtjem gieriesvoetine gaavnesjidh.**

Åålmege maahta aaj 1977-njoelkedassen sádtoe-boejhkesjimmiem utnedh.

Aejlies Jupmele, elmierjñhken Aehtjie, vuartesjh munnjien aarmolesvoetesne.
Sádtres almetje leam gie datnem meadtme ássjalommesigujmie, baakoejgujmie,
dahkoegujmie jñh vaajmosne damtem dam mij náake.
Arhph mannine Jeesus Kristusen gielhtie.
Luejhtieh sádtojde manneste jñh viehkehth mannem datneste váavkasjidh
jñh ajve datnem iehtsedh.

Åålmege muvhtene maahta jeatjah boejhkesjimmiem boejhkesjidh goh akte daejstie mah daesnie Leah.

Liturge maahta daelie dáájvehtasse-baakoem lohkedh.

**L | Aejlies gærjesne tjaalasovveme: Gosse mijjen sádtojde boejhkesjibie, dellie
Jupmele stynkehke jñh riektesvoetesne guktie mijjen sádtojde luajhta jñh mijjem
reejnie gaajhkijste mah eah staaran Leah.**

1 Jáhha 1,9

jallh

**L | Dan jñlle goh elmien jissie dan faamohke Åejvien aarmoe dejtie gñeh jñjtjemse
goltelieh. Dan guhkie goh luvlede jallese, dan gáhkese mijjen sádtojde voelkehte.
Saalm 103,11-12**

6 Aanoehthimmie KYRIJE jñh 7 Heevehthimmie GLORIJA

Kyrije jñh Glorija láávlesuvvieh

**G | Kyrije eelesån, Jupmel-aehtjie, aarmodh. Kriste eelesån, Kristuse áejvie,
aarmodh. Kyrije eelesån, Aejlies Voejkene, aarmodh.**

L/KL | Earoe Jupmielasse jallatjommesisnie

**Åå| jìh eatnamasse raeffie, almetjidie guhth Jupmelen lyjhkedisnie.
Heevhtibie, gyjhtelibie, rohkelibie, earoehtibie. Aamen.**

Laavkome jeenemasth aejkien daelie.

8 Biejgien rohkelasse

Biejgien rohkelasse maahta heajhtasovvedh. Liturge maahta rohkelassem laavlodh jallh lohkedh.

Vuartesjh Biejgien rohkelassh

Rohkelasse naemhtie aalka:

L | Rohkelibie.

Rohkelasse naemhtie galhkoe:

Åå | Aamen.

ii. Jupmelen baakoe

Muvhtene sjeahta göökte bijpele-teksth lohkedh jìh muvhtene aktem tekstem lohkedh. Dellie lähkede lītse (10 Saalme) maahta heajhtasovvedh. Åålmege tjåådtje gosse vaentjele lohkesåvva, jìh tjahkesje gosse mubpieh bijpele-teksth lohkesuvvieh.

L/KL | Jupmelen baakoem goltelibie.

9 Voestes lohkeme

Båeries testamenten luvhtie

KL | Naemhtie tjaalasovveme.

Lohkeme naemhtie galhkoe:

KL | Naemhtie Jupmelen baakoe.

10 Saalme

Saalme jallh laavlome laavlome-kirirreste jallh sjeavohts boelhketjh lohkemen gaskoeh.

11 Mubpie lohkeme

Lohkeme orre testamenten luvhtie, mohte ij vaentjeli luvhtie.

KL | Naemhtie tjaalasovveme.

Lohkeme naemhtie galhko:

KL | Naemhtie Jupmelen baakoe.

*12 Vaentjele

Halleluja

Aerebe goh vaentjele lohkesávva, áálmege halleluja-saalmem jallh ánehks saalmem halleluja-viersine láávle.

Vaentjele-prosesjovne gosse sjeahta. Áálmege tjáádtje jìh láávle gosse prosesjovne báata aejlies gærjine jìh tjoevkine.

Vaentjele-lohkeme

L/KL | Naemhtie ...-n vaentjielisnie tjaalasovveme:

Lohkeme naemhtie galhko:

L/KL | Naemhtie aejlies vaentjele.

Response

Áálmege mahta halleluja-saalmem jallh ánehks saalmem halleluja-viersine vihth láávledh.

13 Prïejhke

Prïejhke mahta naemhtie galhkedh:

L | Earoe Jupmel-aahtjan, Baarnan jìh Aejlies Voejkenasse, gie lij, lea jìh edtja árrodh aajnehke saetnies Jupmele ihkuvistie ihkuvasse.

jallh

L | Earoe Jupmel-aahtjan, Baarnan jìh Aejlies Voejkenasse: Mijjen sjugniedæjja, lutniestæjja jìh hïegkevedtije.

Dellie ánehks saalme, musihke jallh sjeavohts boelhketje.

*14 Jaahkoe-bæjhkoehimmie CREDO

Gosse laavkome, áálmege mahta dellie aejlies jaahkoem bæjhkoehidh.

15 Saalme

Saalme daelie jallh lihtse 13 Priejhken j'ih lihtse 14 Jaahkoe-bæjhkoehtimmien giske.

16 Bievnessh

Bievnessh daelie jallh gosse sjeahta j'ih guktie sjeahta.

17 Sådtoe-boejhkesjimmie

Daelie jallh goh lihtse 5 Sådtoe-boejhkesjimmie.

Liturge maahta jiehtedh:

L | Mijjen Åejvie Jeesus Kristuse jeahta: Iehtsieh Åejviem, j'ijtjedh Jupmelem, abpe j'ijtjedh vaajmojne, abpe j'ijtjedh sealojne j'ih abpe j'ijtjedh jiermine! Daate stööremes j'ih voestes bævroe. Mubpie bævroe seamma stoere: Iehtsieh j'ijtjedh lihkesadtjem guktie j'ijtjemdh eahtsah! **Meehte 22, 37–39**

Sådtoe-boejhkesjimmie naemhtie aalka:

L | Jupmelen uvte boelvestibie j'ih mijjen såttojde boejhkesjibie.

jallh

L | Boelvestibie j'ih Jupmelem birrebe edtja såttojde mijjeste luejhtedh.

jallh

L | Mijjen såttojde boejhkesjibie juktie leajhtadibie Jupmele åårmege lea.

jallh

L | Jupmelem birrebe edtja såttojde mijjeste luejhtedh juktie leajhtadibie Jupmele åårmege lea.

Sjeavohts boelhketje

Liturge boelveste mearan såttojde boejhkesje j'ih sjeavohth lea. Åålmege aaj maahta boelvestidh.

jallh a

G | **Jupmele, aarmodh mannem!**

Dov vööste leam såttoedamme j'ih mov lihkesadtjem beahteme

– dejnie maam ussjedamme j'ih soptsestamme j'ih dorjeme

j'ih dejnie maam im Leah dorjeme.

Luejhtieh mov såttojde manneste Jeesus Kristusen gielhtie.

**Orresth mov vaajmoem jñh vedtieh faamoem orre jieliemasse
dov Aejlies Voejkeninie.**

jallh b

G | Jupmele, aarmodh mannem!

Luejhtieh sådtojde manneste Jeesus Kristusen gielhtie.

**Orresth mov vaajmoem jñh vedtieh faamoem orre jieliemasse
dov Aejlies Voejkeninie.**

jallh c

G | Jupmele, datne mijjem damth jñh eahtsah.

Datne sijhth mijjieh edtjebe sinsitniem jñh eatnemem hoksedh.

Daejrebe datnem libie beahteme jñh dov vuestie meadteme.

Luejhtieh sådtojde mijjeste jñh viehkehth mijjem Jeesusen gielhtie.

jallh d

G | Aejlies Jupmele, mijjen sjugniedæjja, vuartesjh mijjem aarmojne.

Mijieh datnem jñh dov stillemidie meadteme.

Luejhtieh mijjen sådtojde mijjeste Jeesus Kristusen gielhtie.

**Baajh mijjem datnem dienesjidh jñh sjugniedimmiem vaarjelidh
jñh lihkesadtjem gieriesvoetine gaavnesjidh.**

Åålmege maahta aaj 1977-njoelkedassen sådtoe-boejhkesjimmiem utnedh.

Aejlies Jupmele, elmierjñhken Aehtjie, vuartesjh munnjien aarmolesvoetesne.

Sådteres almetje leam gie datnem meadteme åssjalommesigujmie, baakoejgujmie,
dahkoegujmie jñh vaajmosne damtem dam mij nåake.

Arhph mannine Jeesus Kristusen gielhtie.

Luejhtieh sådtojde manneste jñh viehkehth mannem datneste vaaavkasjidh
jñh ajve datnem iehtsedh.

Åålmege muvhtene maahta jeatjah boejhkesjimmiem boejhkesjidh goh akte daejstie mah daesnie Leah.

Liturge maahta daelie dååjvehtasse-baakoem lohkedh.

**L | Aejlies gærjesne tjaalasovveme: Gosse mijjen sådtojde boejhkesjibie, dellie
Jupmele stynkehke jñh riektesvoetesne guktie mijjen sådtojde luajhta jñh mijjem
reejnie gaajhkijste mah eah staaran Leah.**

1 Jåhha 1,9

jallh

**L | Dan jille goh elmien jissie dan faamohke Åejvien aarmoe dejtie gieh satnem
goltelieh. Dan guhkie goh luvlede jallese, dan gåhkese mijjen sådtojde voelkehte.**

Saalm 103,11-12

18 Åålmegen rohkelassh

Vuertesjh rohkelasse-aamhtside, sjiere rohkelasse-vuekide, tjaaleldh rohkelasside jih litanijidie.

Åålmege maahta rohkelassh tjaeledh jallh tjaalaldihkie rohkelassh utnedh. Eeremasth klahke-liturge rohkelasside lähka. Jeatjebh maectieh rohkelassh lohkedh.

Fierhte rohkele-boelhketje maahta naemhtie galhkedh:

KL/L | Jupmele, naemhtie rohkelibie.

jallh

KL/L | Jupmele, dam rohkelibie.

Dihthe gie rohkele, rohkelasside lähka jallh lååvle.

Åålmege maahta rohkelassh tjaeledh. Daaj aamhtsi bijre maectieh tjaeledh:

- 1 Veartenen almetji jih nasjovni åvteste.
- 2 Mijjen nasjovnen jih almetji åvteste.
- 3 Veartenen gærhkoen jih mijjen nasjovnen gærhkoen åvteste.
- 4 Mijjen åålmegen, fuelhkiej jih tjietlen åvteste.
- 5 Daaletje barkoen jih tjoeperrimmien åvteste.

Rohkelasse maahta naemhtie aelkedh:

KL/L | Rohkelibie gærhkoen jih veartenen åvteste.

Åålmegen vaestiedimmie

Fierhten rohkelassen mænngan åålmege maahta vaestiedimmien lohkedh.

jallh 1

Åå| Åejvie, govhl mijjen rohkelassh.

jallh 2

Åå| Govhl mijjen rohkelassh. Govhl mijjen rohkelassh. Vaajt dov rijkhe båata, vaajt dov syjhtedassh sjædta. Govhl mijjen rohkelassh.

jallh 3

Åå| Åejvie, govhl mijjen rohkelassh.

jallh 4

Åå| Åejvie, mijjen Jupmele, govhl gosse rohkelibie.

Minngemes rohkelassen mænngan gaajhkesch laavloeh **Aamen.**

Mujhtebe dam/dejtie gie/gieh sealadamme, jih rohkelibie dej åvteste gieh sorkeminie.

Åålmege maahta åålmegen rohkelassi mænngan dam/dejtie mujhtedh gie/gieh juvlelgamme minngemes aejkien mænngan gosse åålmege tjåenghkesne lij.

KL/L | Tjuedtjelibie jih mujhtebe dam gie/dejtie gieh juvlelgamme minngemes aejkien mænngan gosse åålmege tjåenghkesne lij.

Åålmege tjuedtjele. Klahke-liturge jallh liturge nommem/nommide lähka. Sjeavohts boelhetje.

KL/L | Jupmele, bihkedh mijjem buejhkiehtidh man åenehke mijjen jieleme guktie vjisies vaajmoem åadtjobe. **Saalm 90,12**

jallh

KL/L | Jeesuse jeahta: «Manne leam tjuedtjelimie jih jielede. Dïhte gie munnjen jaahka, jeala jalhts jaama.» **Jåhha 11,25**

jallh

(N13: 872,5, T Svein Ellingsen)

Dellie daate rohkelasse jallh jeatjah rohkelasse lohkesåvva:

KL/L | Åårmegs Jupmele, soelkedh dejtie gieh sorkeminie jih åroeh dej luvnie bæetije biejjide.

Åålmege maahta vaestiedidh guktie vaestiedi gosse åålmege rohkeli.

19 Åålmegen sjiele

Åålmege maahta daelie sjeledidh jallh gosse saalmem maalestahken åvtelen lååvle jallh gosse jupmele-gaagkesimmie galhko.

Gosse sjeledamme, liturge maahta naemhtie rohkelidh:

L | Ihkuven Jupmele, dov lea eatneme jih gaajhke mij desnie. Gaajhkem maam utnebe, dov lea, jih destie sjeledibie.

G jallh L | **Dåastohth mijjem jih mijjen sjielide Jeesusen gielhtie. Aamen.**

Gosse ij naan maalestahke Leah, dellie liturge 24. lihtsine (24 Saalme) lissehte.

iii. Aejlies maalestahke

20 Maalestahken ávtelen

Saalme

Áálmege mahta dælie sjieledidh.

Liturge laejpiem laejpie-gaerese beaja jïh vijnem gâasese gurkie.

Gosse sjieledimmie galhkeme, dellie liturge rohkele:

L | Bueriesjugniedimmien Jupmele, dov lea eatneme jïh gaajhke mij daesnie. Gaajhke maam utnebe, dov lea. Destie mij dov lea, sjieledibie. Ektedh dov áálmegem gïeh ovmesse sijjesne áarroeminie jïh ovmesse gïelh soptsesteminie. Ektedh mijjem sinsitnine jïh Áejvie Jeesus Kristusnie guktie gernieh laejpesne aktanieh jïh vijnemuerjieh vijnesne aktanieh.

G jallh L | **Dåastohth mijjem jïh mijjen sjïelide Jeesusen gielhtie. Aamen.**

jallh

L | Ihkuven Jupmele, dov lea eatneme jïh gaajhke mij desnie. Gaajhkem maam utnebe, dov lea, jïh destie sjieledibie.

G jallh L | **Dåastohth mijjem jïh mijjen sjïelide Jeesusen gielhtie. Aamen.**

*21 | Gyjhtelassh jïh rohkelassh

Maalestahken rohkelasse

Heelsege PREFASJOVNE

L láávle jallh jeahta | Jupmele dijjine aktine.

Áá tjuedtjele jìh láávle | **Jìh Jupmele datnine aaj.**

L | Lutnjede vaajmojde!

Áá láávle | **Jupmielasse vaajmojde lutnjebe.**

L | Gijhtebe Jupmelem.

Áá láávle | **Reaktie hov nimhtie.**

Aalkove heevehtasse PREFASJOVNE

Liturge aalteren vuestie jarkele jìh prefasjovnem láávle jallh rohkele.

Jupmelen golmelaaketje biejjieh

L | Saetniesvoetesne vyörtege jìh riectes lea veaksahkommes Jupmelem, ihkuven Aehtjiem, gijhtedh Jeesus Kristusen, mijjen Áejvien gielhtie. Jeesusem seedtih veartenem gorredidh guktie mijjieh altese jaememen gielhtie maehthebe sádtøjste luajhtasovvedh jìh altese tjuedtjielimien gielhtie ihkuven jieledem áadtjodh. Eengkelh jìh áålmege elmierijhkesne jìh eatnamisnie altese gielhtie dov hearlohkevoetem heevehtieh. Dejgumie aktine mijjieh aaj datnem heevehtie:

jallh

L | Saetniesvoetesne vyörtege jìh riectes lea veaksahkommes Jupmelem, ihkuven Aehtjiem, gijhtedh Jeesus Kristusen, mijjen Áejvien gielhtie. Jeesuse jielije laejpine lea gie elmierijhkeste báata jìh veartanasse hiegekem vadta guktie dihte gie altasasse báata, ij galkh nealkodh jìh fiereguhte gie altasasse jaahka, ij galkh gajhkelovvedh. Eengkelh jìh áålmege elmierijhkesne jìh eatnamisnie altese gielhtie dov hearlohkevoetem heevehtieh. Dejgumie aktine mijjieh aaj datnem heevehtie:

Aejlies SANCTUS

G laavloeh | **Aejlies, aejlies, aejlies hov Jupmele Sebaot. Altese hearlohkevoete abpe eatnemem deavhta. Hosianna jallatjommesisnie. Bueriesjugniedassh altasasse gie Jupmelen nommesne báata. Hosianna jallatjommesisnie.**

Maalestahken baakoeh VERBA

L | Mijjen Åejvie, Jeesus Kristuse, dan jïjjen goh behtasovvi,
dellie laejpiem vaalta, gæjhta, dam tsååpke,
learoehkidie vadta jïh jeahta:
Vaeltede daam, byöpmedidie!
Daate mov åedtjie mij dijjesse vadtasåvva.
Darjode daam guktie mannem mujhtede.

Gåasem aaj vaalta beapmoej mænngan,
gæjhta, vadta jïh jeahta:
Jovkede gaajhkesh daestie.
Daate gåase lea orre sjiehtedimmie mov vïrrine,
mij edtja galkedh dijjen sådtoej gielhtie.
Gosse daam jovkede, mujhtede mannem.

Åålmege mahta daelie jiehtedh jaahkoe mysterijume lea.
Jaahkoe mysterijume

L | Jaahkoe mysterijume stoere.

G | **Kristuse jeemi. Kristuse tjuedtjieli. Kristuse vihth bååstide båata. Earoe Kristusasse guktie gieriesvoete jaemiedistie veaksahkåbpoe.**

L/KL lååvle jallh jeahta | Åårmegs Jupmele, aavosne heevhtibie daam maalestahkem jïh gjhtebe dov Baernien ellies sjieledimmien åvteste, jïh jaehkebe dov Baernie goh vitnise jaemiedistie tjuedtjielamme jïh bæjjese Aalman vualkeme, jïh mijjeh vuertebe edtja hearlohkevoetine bååstide båtedh. Dutnjien rohkelibie: Dievhtieh mijjem dov Voejkeninie jïh gieriesvoetine guktie maehete Kristusem vovejnedh gosse almetjem vovejnebe gie nealoeminie jïh gajhkelovveminie. Ööhpehth mijjem sinsitniem ichtsedh guktie Kristuse mijjem eahtseme, jïh baajh mijjem dov ellies rijhkese tjåanghenidh.

jallh

L/KL lååvle jallh jeahta | Jupmele, dievhtieh mijjem dov Voejkeninie. Faerhmesth mijjem guktie gieries tijdtjie maanide faerhmeste. Lutnjesth viesjies almetjidie jïh biëpmehth buerie vadtesigujmie dejtie gieh nealkoeminie.

Mijjen Aehtjie

G | **Mijjen Aehtjie guhte Leah Elmierjhesne.**
Baajh dov nommem aejliestovvedh. Baajh dov rijhkem baetedh.
Baajh dov syhtedem eatnamisnie sjidtedh guktie Elmierjhesne.
Vedtieh mijjese daan biejjien mijjen fierhten beajjetje laeippiem.
Luejhtieh mijjeste maam mijjeh meadteme
guktie mijjeh luejhtebe dejstie guhth mijjese meadteme.
Aellieh luejhtieh mijjem giehtjelimmiej sijse,
vaallah vaarjelh mijjem bahhese.
Juktie rijhke lea dov, faamoe jih earoe ihkuven aajkan. Aamen.

***22 Aejlies maalestahke**

Åålmege tjåadtje goske almetjh edtjeh maalestahkem daastoetidh.

Jupmelen raeffie PAX

L jeahta | Jupmelen raeffie dijjine.

Åå | Jupmelen raeffie datnine.

Liturge jallh klahkeliturge maaha lissiehtidh:

L/KL | Fiereguhte maaha gietem raeffesne geelkedh.

Almetjh gietem gelkieh jih jiehtieh «Jupmelen raeffie» jallh maam joem mij sjeahta.

Liturge maaha dellie jiehtedh:

Laejpiem tsåapkodh

L | Laejpie maam tsåapkobe, Kristusen åedtjiem vadta. Juktie akte laejpie lea, mijjeh akte åedtjie.

Jupmelen Laampe AGNUS DEI

G laavloeh | Jupmelen laampe, datne gie gaajhkh almetji sådtoeh guadtah, aarmodh mijjem!

Jupmelen laampe, datne gie gaajhkh almetji sådtoeh guadtah, aarmodh mijjem!

Jupmelen laampe, datne gie gaajhkh almetji sådtoeh guadtah, vedtieh mijjese raeffiem!

Liturge maaha daelie jallh „Agnus Dei“-n åvtelen, jiehtedh:

L | Båetede juktie gaajhke riejrjes.

Maalestahke

Saalme jallh tjërte-laavlome jallh sjëhteles musihke maalestahken mearan.

Dihthe gie laejpiem jïh vijnem vadta, jeahta:

Kristusen åedtjie dutnjien vadtasovveme. Kristusen vïrre dutnjien vadtasovveme.

Maahta aaj naemhtie jiehtedh: Daate Jeesusen åedtjie. Daate Jeesusen vïrre.

Jis gie akt båata jïh vuesehte satne ij sjïhth laejpiem jïh vijnem dåastoehth, bueriesjugniedåvva. Dihthe gie laejpiem guadta, gïetem almetjen nïlle beaja jallh kroessem tjaala mearan bueriesjugnede.

Liturge maahta naemhtie jiehtedh:

Jupmele datnem bueriesjugnede jïh vaarjele jïh datnem ihkuve jieliedasse vaedtsehte.

Maalestahken mænngan:

L jeahta | Jeesus Kristuse gie kroessese noeresovvi jïh jaemiedistie tjuedtjieli, jïjtse åedtjiem jïh vïrrem gaajhki mijjen sådtoej diehre vadtme.

G (jallh **L**) | **Mijjem nænnoste jïh viehkehte rïekteslaakan jaehkedh guktie ihkuve jieledem åadtjobe.**

L | Jupmelen raeffie dijine.

23 Aejlies maalestahken galhkeme

Liturge aalterem sjyöke. Gåasem jïh gaeriem lijnine gaptjede.

Gyjhtelasse

Liturge jallh klahkeliturge maahta jiehtedh jallh laavlodh:

L/KL | Gijhtebe jïh rohkelibie.

Liturge jallh klahkeliturge maahta daam rohkelassem laavlodh:

L/KL | Elmierijhken Aehtjie, datnem gijhtebe dov buerie vadtesi åvteste.

Vaarjelh mijjem daaj vadtesigujmie, ektedh mijjem dov gieriesvoetine jïh nænnosth mijjen håhkoem ihkuve jieleden bijre dov Baernien, Jeesus Kristusen gielhtie.

Åå | **Aamen.**

jallh

L/KL | Vijsiesvoeten Jupmele, datnem gijhtebe maalestahken giëngele

tjeakoesvoeten ávteste: Laejpiem maam libie tsööpkeme, aktelaaketje lea. Dov Baernie jýtse hiegem vedtieji gaajhken veartenen ávteste jìh gaajhki almetjetjèerti ávteste. Datnem birrebe:

G jallh L/KL |

Baajh mijjem govledh tjáarvehtassem maam datne govleme, vuejnedh dam neavroem maam datne vuajname jìh lihkesadtjem iehtsedh guktie jýtjemem iehtebe.

jallh

L/KL | Áármegs Jupmele, datnem gijhtebe, datne gie laejpine jìh vijnine mijjese Jeesus Kristusen vitnemem jaemeden vuestie vadteme. Datnem birrebe:

A jallh L/KL | Nænnosth mijjem dov Voejkeninie guktie veartanisnie vñhesjibie jìh dñenesjibie.

jallh

L/KL | Gaerteles Jupmele, dov maanine sjìdtimh gosse låávkesovvimh, jìh dov rijhkem áadtjobe eerpedh. Maalestahken ávteste gijhtebe. Gosse dov áedtjiem jìh vñrem áadtjobe, dellie datne sådtode mijjeste luajhtah jìh mijjen jaahkoem dov dåájvehtasside nænnosth.

G jallh L/KL | Nænnosth mijjem dov Voejkeninie guktie veartanisnie vñhesjibie jìh dñenesjibie.

iv. **Áålmege seedtesávva**

***24 Saalme**

Saalme daelie jallh gosse Postludijume /Prosesjovne, lihtsege 27.

***25 Bueriesjugniedasse**

Fiereguhte maahta kroessem jýtse mielkese tjaeledh.

Liturge maahta naemhtie aelkedh:

Heevehtimmie BENEDICAMUS

L/KL låávle jallh jeahta | Jupmelem heevehtibie.

Áå | Jupmelem heevehtibie. Halleluja. Halleluja. Halleluja

jallh

Jupmele datnine SALUTATIO

L låávle jallh jeahta | Jupmele dijjine aktesne.
Åå | **Jih Jupmele datnine aaj!**

jallh

L jeahta | Dåastoehtidie bueriesjugniedassem.

L | Jupmele datnem bueriesjugnede jih datnem vaarjele.
Jupmele jijtse ååredæjjine dutnjien tjuavka jih datnem aarmode.
Jupmele jijtse ååredæjjam dov gåajkoe jarkoe jih dutnjien raeffiem vadta! ✕

Åålmege maahta laavlodh:

Åå | **Aamen. Aamen. Aamen.**

Bealloe tjuaja 3x3 aejkien

*26 Åålmege seedtesåvva

Jis åålmege tjahkesje gosse postludijume, dellie åålmege postludijumen mænngan seedtesåvva.

Liturge jallh klahkeliturge maahta jiehtedh:

L/KL | Raeffesne vaedtsebe,

G | **Jeesus Kristusen nommesne.**

jallh

L/KL | Vaedtsede raeffesne. Dienesjidie Åejviem aavosne.

*27 Postludijume/Prosesjovne

Åålmege maahta prosesjovnem olkese dåeriedidh. Jis ij postludijume Leah, dellie åålmege maahta saalmem laavlodh gosse olkese vaadtsa.

Gærhkoen maahta gyrhkesjimmien mænngan rihpeldahkesne årrodh guktie almetjh maectieh raeffesne tjahkasjidh.